



Stjórnarráð Íslands
Innviðaráðuneytið

irn@irn.is
545 8200

Sölvhólsgötu 7,
101 Reykjavík

stjornarradid.is

Akureyrbær
Geislagötu 9
600 Akureyri

Reykjavík 4. október 2022
Tilv.: IRN22100006/5.3

Innviðaráðherra hefur ákveðið að skipa starfshóp á grundvelli aðgerðar *C.4 Borgarstefna* í stefnumótandi byggðaáætlun fyrir árin 2022-2036. Aðgerðin hefur það markmið að stærstu þéttbýlissvæði landsins, Reykjavík og Akureyri, verði efla og samkeppnishæfni þeirra og hlutverk í byggðaþróun landsins styrkt. Mótaðar verða stefnur sem annars vegar skilgreini hlutverk Reykjavíkur sem höfuðborgar og stuðli að aukinni alþjóðlegri samkeppnishæfni höfuðborgarsvæðisins og hins vegar hlutverk og uppbyggingu Akureyrar sem svæðisborgar sem geti boðið upp á aukna fjölbreytni í þjónustu, menningu og atvinnutækifærum. Við vinnuna verði viðmið OECD um móton og inntak borgarstefnu lögð til grundvallar eftir því sem við á, sem og vinna starfshóps um svæðisbundið hlutverk Akureyrar, sem skilaði skýrslu sinni í september 2021, og vinna starfshóps um móton höfuðborgarstefnu sem settur var á laggirnar í maí 2021.

Hópurinn verður skipaður sjö fulltrúum. Tveir fulltrúar frá Reykjavíkurborg, tveir frá Akureyrbæ, einn frá Samtökum sveitarfélaga og atvinnuþróunar á Norðurlandi eystra og einn frá Samtökum sveitarfélaga á höfuðborgarsvæðinu. Formaður hópsins verður Ingvar Sverrisson, framkvæmdastjóri Aton.JL fulltrúi innviðaráðherra.

Óskað er eftir að hópurinn ljúki störfum eigi síðar en í árslok 2023.

Hér með er óskað eftir því að Akureyrbær tilnefni two fulltrúa í starfshópinn við fyrsta tækifæri. Með tilnefningunni skal koma fram nafn, kennitala, heimilisfang og netfang þeirra sem tilnefnd eru.

Ráðuneytið greiðir ekki sérstaklega fyrir störf í starfshópnum.

Ráðuneytið vekur athygli á 28. gr laga um jafna stöðu og jafnan rétt kynjanna, nr. 150/2020, en þar er meðal annars kveðið á um að þegar tilnefnt er í nefndir, ráð og stjórnir á vegum ríkis og sveitarfélaga skuli tilnefna bæði karl og konu. Þá kemur fram að tilnefningaraðila sé heimilt að víkja frá þeiri skyldu þegar hlutlægar ástæður leiða til þess að það er ekki mögulegt. Skal tilnefningaraðili þá skýra ástæður þess. Ákvæði þetta kemur ekki í veg fyrir tilnefningu og skipun fólks með hlutlausa skráningu kyns í þjóðskrá í nefndir, ráð og stjórnir á vegum hins opinbera. Ráðherra skipar í hópinn og velur úr tilnefningum svo kynjaskipting sé sem jöfnust.

Fyrir hönd ráðherra

Hólmfríður Sveinsdóttir
Hólmfríður Sveinsdóttir

Jóhanna S.
Jóhanna Sigurjónsdóttir